

葉縣志總目

卷首

序文 目錄 纂修姓氏 凡例 圖考

卷之一

輿地志

沿革
冢墓

星野
風俗

疆域
土產

形勝附
祥異

兵荒

山川

古蹟

卷之二

建置志

城池
書院附

街道附
社學附

廨宇
武備

鋪舍附
廟壇

倉厩
祠宇附

學校
寺

水利

坊表
村莊

關津
寨堡附

橋梁

卷之三

禮樂志

典禮
鄉飲

職祀
鄉約

總目

卷之四

賦役志

丁役里甲

田賦鹽法

雜稅附驛站

卷之五

職官志

各表

卷之六

選舉志

各表

卷之七

名宦志

卷之八

人物志

鄉賢耆宿

儒林藝苑

文苑

孝義

忠烈

卷之九

藝文志

賦墓表

詩

頌

贊

記

序

墓志

銘

傳

書事

論

考

祭文

卷之十

雜記

紀事錄異

輯聞辨疑

附錄

舊志凡例

舊志編次

舊志纂修姓氏

葉縣志卷之九下

同知銜調署葉縣事中牟縣知縣歐陽霖重修

藝文志下

創建渙水驛舍記

國朝
邑令崔子明

高平人

葉窶甚不堪驛騷行者每心惻然非自今始也應子治國
卽苦奔命無息晷冠蓋輪蹄絡繹不絕千年如一日民力
幾何迺堪重困哉此頽尾魴魚半在釜中泣也雖然無甯
茲天下盡驛騷矣何有於葉有治人無治法顧其人何如
耳余膺命來茲土甫下車首敬皇華之章肅郵務詢其卒

則曰卒痛矣問其馬則曰馬瘖矣載察其言秣之廐競謂
祖龍一炬矣二三瘖羸僑寄蕭寺中與北邱相應答嗚呼
駒騏駟駱旣不能諏謀度詢咨我馳驅乃使六轡四牡爭
蘭若片席地毋謂瀆西聖人稱臯對此旆旌所謂駟驥孔
阜者已矣胡然而嘽嘽騤騤削色淪夷至此甯非爲政者
之羞乎亟召父老與之謀僉隕涕相告曰寥爾歸鴻煢煢
待哺曾室家之不甯而攻車同馬爲余因是緩其役塵稼
穡桑農者五踰年他無所及繇是而吾民稍稍裕矣乃復
進父老而商之則欣欣然樂從弗怠且交勉曰是良圖也
毋或數遂歡然子來舉通國之全力而經營之罔敢後不

匝旬而堂構七楹側廬十八舍前峙五楸隆隆然皆自空
中創出嗚呼是何艱於初而逸於旣耶曰此以民力爲之
而民悅之也然亦有司者治之常耳夫何異焉執事且持
片石請紀功余笑謂曰廢興因革數也况爲國盡瘁牧圉
乃其本事卽功矢汗馬者耻勒竹敢文石乎曷置諸請者
遂以寢而余且忘之矣無何

天子念勞吏且任事久特詔徵之內令典司農事征車介
道鳴馬匆匆而環葉士民且擁馬首請曰尋常官去看作
等閑我公牧葉七載餘玉壺常注冰雪今日劍佩朝

天宣猷帝闕豈不念百里蒼生殷殷仰望問山不語問水

無言可不留仁人一言爲甘棠遺愛乎皓首蒼頭爭攀卧
輶轍間不忍去乃不獲已援筆以誌其民力與民情也如
此

許公重修廟學記

太常寺
少卿

梁羽明

蘭陽人

昆陽古應國也春秋楚縣之爲葉沈子高以楚材之良出
尹焉吾夫子將如楚及葉有憤樂悅來之語載在魯論于
古之學問政事備此矣豈獨爲子高言哉蓋以告天下後
世爲子高者越千餘年而有通侯許公後子高來尹斯邑
甫蒞治謁孔廟見頽垣茂草慨然曰此聖人過化地廢棄
乃爾有司責也卽有整飭志無何西山嘯聚禦人

熾黃昏烽火時偏公先整武備躬入虎狼之穴手濺鯨鯢
之血箭山拐河數十年不靖之寇一朝掃蕩士民安枕武
功昭矣公乃集師生父老謀新聖宮鳩工庀材首事宮牆
兩廡而啟聖名宦鄉賢文昌魁星諸祠以及戟門櫺星興
賢諸門臺砌甬道泮池雲路靡不煥然一新虔設神主肅
列俎豆祭祀豐潔神將來享而且宮牆之內虬松古柏鬱
然蒼翠環橋之上穠桃郁李爛其盈門公乃旦夕提命朔
望講課疊疊不倦葉人士六十年頽靡不振之氣頓爲翻
然勃然噫嘻公之大有造於葉庠如是而不特此也輯兵
安民間閭不擾乘農隙圖永逸修隍堞以壯金湯整演武

廳以振國威繕常平倉以廣儲蓄復養濟院以恤貧老建
憤樂亭以昭聖學他如疆域之內耦耕問津拱立止宿接
輿歌鳳遺跡無不碑坊表識遊斯地者宛與聖賢晤對亦
今古盛事哉至纂邑乘以備文獻築中堰以開水利亦將
次第舉行無日不廬公念者也公之學問政事亦可窺見
一斑矣工事告竣葉廣文沙隨李君長恂儀城馮君應龍
走使執狀屬予言勒之石予將以山林老又何能文據來
狀略爲之紀匪敢侈通侯之能繼子高願以告天下後世
之繼通侯者公諱鴻翔字通侯陝西榆林人也

潘公重修廟學記

進士

孫期昌

邑人

皇清乙卯龍飛十有四祀秀水潘明府來蒞葉土下車之
明日謁文廟拜瞻至聖孔夫子禮也維時見廡牆卧地泮
水沈天山頽木壞同一歎悼公欲修葺之謀諸學先生則
曰青氈難裹錦泥也謀諸邑人士則曰白筆難塗鴛瓦也
公於是捐俸庀材率屬倡衆間亦不廢聚米之計越三年
所而文廟之工告成應子國文字峰東與魯壁遙相拱衛
子氏衣冠其殆復見矣乎邑人羣以文事歸公公瞿瞿然
謂兩楹剝以雕題後人堂構恐未足慰尼父憂風雨心也
乙卯冬予適奉差歸里因稽其實紀之曰天子之教首在
廣勵學宮春秋俎豆故事視之保能衛聖脈歟黨塾子弟

往哲奉之保能正士習歟則是教化之責端賴賢有司董率之也明矣惟公來蒞葉土明絕學詔來茲不啻起游夏而授以孔儿也至於梁木蔭人素王啓相猶後耳葉之父老子弟讀文廟碑其亦有所感也夫

大中丞顧公創建倉廩記

邑令 馮秉銓 潮州人

周禮六官之制古人皆隨事而經畫之而惟救荒之策則必豫儲而有備蓋以爲臨事始謀恐將有不及謀者我皇上軫念民艱以積貯爲天下本計按州縣之大小定儲穀之多寡蓋仿王制三十年之通以制國用其法美意兼備之矣

特簡大臣學有經術通達治體者出撫豫省於是大中丞顧公來巡兩河興利除害經濟爛然尤以積貯一事夙夜憂勞仰體

聖天子愛民至意檄行州縣修築倉廩謂豫土地瘠民貧素無蓋藏而乞糴轉運跋履更難一經水旱將轉溝壑倘不豫建倉廩則所積之穀易至朽腐官吏賠累民無所仰有積貯之名而無其實非所以計久遠謀萬全也於是新作倉廩地擇其高基務其堅勿動民財勿扣工料捐俸百金修廩十間檄行到葉奉行惟謹庶民子來懽呼載道夫葉於豫屬爲最小由一邑而推之州郡由州郡而推之省

會捐貲蓋不可勝紀矣沐膏澤而戴高厚者不但一葉已也吾葉之民尙宜各力爾田各勤爾業戒奢侈務節儉鄉黨里社悉以積貯爲事庶不負我

聖上爲民積貯之心亦不負我大中丞捐俸修厥之至意也是爲記

重修大悲寺記

拔貢 李宏志 寶豐人

葉邑墳臺之木碑村有寺曰大悲創建無考前明里人楊祿重修故俗又呼楊家寺明末毀於兵惟伽藍殿僅存亦傾欹剝落康熙五十四年居人辛玉澤楊永代楊得春慨捐數十金招僧普從疏募重修佛殿及六祖殿大悲殿

伽藍殿亦加補葺至雍正五年而落成楊生振三走書屬
序於予予惟葉爲四方走集當滇黔粵蜀秦晉燕趙之衝
明季壬午癸未間李自成據襄陽竊稱襄京中朝督師大
帥如汪遂安孫代州皆以葉爲扼要地遂安卒以敗死代
州之破寶豐李自成發襄陽北馳奪葉縣駐襄城陰絕餉
道而代州軍潰西奔於時官軍寇氛迭爲王客盤踞蹂躪
屠戮焚燎雄藩名城甲第高臺叢荆棘而聚瓦礫走麋鹿
而穴狐兔者不可勝數而況於區區佛寺乎哉

興朝受命至己亥而六詔始靖不十餘年而其地變亂又
作王師先後進討悉取道於葉戈甲鉦鼓月無虛日繹絡

供億葉人卹卹如在膏火中雖欲鼎新古制以復故蹟不惟力不給而勢且不服迄今四海渾一

聖天子久道化成民生樂業而安於猷畝衣食始充有慷慨好義如辛君二楊君舉兩朝數十年之廢墜一朝起而新之於以潤色太平聯比桑梓用意厚而事可風也故因其請而爲識其歲月興廢如此云

柏公修城記

歲貢 王用楫 邑人

邑侯柏公諱之模號可法奉天甯遠人也甲申冬來宰吾邑甫及二載利者興弊者革政修而人和化行而俗美考之記傳古循吏何以加焉公之於民也爲保障不爲爾

一切興廢舉墜如修泮宮立義學築橋梁非惟不耗民財
且弗勞民力損已益下總期無擾而已丙戌秋霖雨連日
城垣傾圯幾半補葺之役向日皆出於民公獨毅然仔肩
之邑之紳士父老以是役費繁工鉅不忍累公請出之通
邑共勸斯舉公曰此余長吏之責也民力幾何余方休息
保釐之不暇豈忍以是役重勞吾民耶於是捐貲儲料擇
期修築日需夫役二百餘名按日給以工值無短少而食
力小民因得借茲以餬其口以是爭先子來噢噢橐橐時
僅匝月大功告成雉堞樓櫓復堅整可觀矣是役也自九
月二十八日興工至十一月初五日止共輒入萬灰十二

萬夫匠八千餘名修城一百四十二丈公不動聲色部署井井若無其事者公之才真有過人者矣昔蘇文忠公治杭日值歲饑文忠下令給僱值募民修築湖隄窮民賴是活者甚衆杭民至今傳誦之今公之所行若與文忠相似而拮据捐修時勢又有難易不同者非公子惠吾民殫心任事曷克至此哉葉人蒙公之福不能慙於懷爰是勒諸貞珉用垂不朽至於公之政蹟美不勝書當今聖天子在上又有廉明大吏爲

國薦賢行且增秩賜金黃纁川不得專美於前矣

白龍王廟記

邑令 柏之模 甯遠人